

# PROXECTO URBANA SANTIAGO NORTE



**Urbana**  
Santiago  
Norte



# O PROXECTO

**D**urante os últimos meses do ano 2007, o Concello de Santiago estivo a traballar na preparación dun proxecto de rexeneración da zona norte de Santiago co obxectivo de concorrer á convocatoria que se abriría no ano 2008 da Iniciativa Urbana cofinanciada polo Fondo Europeo de Desenvolvemento Rexional (FEDER).

Ese proxecto, que foi presentado aos interlocutores sociais, recolle un conxunto de actuacións de carácter integral nos barrios de Vista Alegre, Romaño, Vite, Guadalupe, Salgueiriños, San Caetano, Basquiños, Ultraia, Espírito Santo, A Estila, A Almáciga, San Pedro, Concheiros, Belvís e Quiroga Palacios.

Tras a presentación da candidatura en xaneiro de 2008 o proxecto foi aprobado definitivamente polo Ministerio de Economía no mes de xullo cun orzamento global que ascende a 11.433.590 € dos cales o Fondo Europeo de Desenvolvemento Rexional achega 8.003.513 € (70%) e o Concello contribúe con 3.430.077 € (30%).

O Proxecto Urbana Santiago Norte, ten como obxectivo a posta en marcha dunha estratexia integral de rexeneración urbana nos barrios da zona norte para equilibralos co resto da cidade.

Contémpanse dentro do Urbana un conxunto de medidas e actuacións que se agrupan en nove áreas temáticas:

1. Sociedade da información.
2. Fomento da integración social e da igualdade de oportunidades.
3. Medio ambiente urbano e fomento do tratamento de residuos.
4. Desenvolvemento do tecido económico: accións a favor do emprego e da actividade empresarial.
5. Accesibilidade e mobilidade.
6. Fomento do uso máis eficaz da enerxía.
7. Cultura e patrimonio.
8. Infraestruturas de servizos.
9. Formación profesional.



**O Proxecto Urbana Santiago Norte, ten como obxectivo a posta en marcha dunha estratexia integral de rexeneración urbana nos barrios da zona norte para equilibralos co resto da cidade.**



**Trátase dun proxecto que ten un marcado carácter innovador, tanto polo enfoque integrado que nel se formula para abordar os diferentes problemas da zona norte como polo emprego de novas formas de intervención, especialmente naquelas accións que promoven a integración social e a dinamización económica da zona.**

Trátase dun proxecto que ten un marcado carácter innovador, tanto polo enfoque integrado que nel se formula para abordar os diferentes problemas da zona norte como polo emprego de novas formas de intervención, especialmente naquelas accións que promoven a integración social e a dinamización económica da zona.

O conxunto de accións concretas do proxecto complétase con outras de carácter transversal como son:

- O proceso de participación cidadá: está previsto que o proxecto se dote dos instrumentos e canais necesarios para que a cidadanía residente na zona de actuación e mais a do resto da cidade poida participar activamente no proceso de execución do proxecto. Para iso contémpanse, entre outras medidas, a posta en marcha dunha Comisión de Participación Cidadá na que estean representados os veciños da zona e mais os principais axentes económicos e sociais que actúan nela.
- A participación en redes de intercambio de experiencias: onde se porán en común con outras cidades que desenvolven proxectos da Iniciativa URBANA estratexias para darlles solucións aos problemas dos barrios co obxectivo de atopar as mellores prácticas.

- A posta en marcha dun conxunto de medidas de información e publicidade: destinadas a facilitarlle á cidadanía, da zona norte e do conxunto da cidade, información puntual sobre a situación e a evolución na execución do proxecto. Unha das medidas máis destacadas será a posta en marcha da páxina web do proxecto:

[www.urbanasantiagonorte.org](http://www.urbanasantiagonorte.org)

Para garantir a coordinación entre os diferentes departamentos municipais, facilitar a xestión e seguimento das accións do proxecto e contribuír a unha maior visibilidade e achega de información cara á cidadanía o Concello de Santiago pon en marcha a oficina URBANA SANTIAGO NORTE no barrio da Almáciga:

Rúa Betanzos, nº 55  
(Edificio anexo á Escola Municipal de Música)  
15703 Santiago de Compostela  
[urbanasantiagonorte@santiagodecompostela.org](mailto:urbanasantiagonorte@santiagodecompostela.org)  
Teléfono: 981 543 196  
Fax 981 543 195

